

صاحب امتیاز:
احمد شیرانی

اعتصام

مدیر مسئول
احمد شیرانی

عدد — ۶

واعتصموا

سنہ — ۱

۲۵ ربیع الاول
سنہ ۱۳۳۷

{ پنجشنبہ کونلری نشر اولنور }

۱۹ کاتون اول
سنہ ۱۳۳۴

(مقالہ)

جماعت تشکیلاتی

عصر نبویدہ دین و دنیا اموری

وظیفہ

بزدہ ابتدائی تحصیل

(محرر لری)

احمد شیرانی

طاهر المولوی

حافظ حسین

دعالم فیضی

فیثائی ۹۰۰ پارہ در

مقرو مطبعہ سی

آدرسی : فائحدہ (اعتصام) محل ادارہ سی

اعتصم

﴿ واعتصموا ﴾

۱۰ ربیع الاول
سنه ۱۳۳۷

۱۹ کانون اول
سنه ۱۳۳۴

{ هفته‌ای لایق مجموعه اسلامیة در. }

جماعات تشکیلاتی

حرب عمومی، اراضی، ملکه بر طاقم جمرافی انقلابات حصوله کتیردیکی کبی دولترک بنه تشکیلاتنده سیاسی واداری تحولات تواید ایدن بر مادر حادثات، موقعی آحراز ایلدی. قطعات خسک هر طرفنده ساکن بولنان ملنلر، منسوب اولدقاری دولترک شکل سیاسی واداریلری زمین ساحه سنده مادی و ناری حرب عمومینک برینه معنوی و فکری بر محادله عمومیه اقامه ایتدیلر. مملکت مزده نأرۀ حربی - بلا لزوم - ایقاد ایدن رجال سیاهی من کبی رجال فکریه مزده پک مضر بر فتنه فکریه او یاندیره حق مناقشات قلمیه قیو آچدیلر. داخل و خارجک امن و اعتمادنی قازانق ایچون مملکتنده بر اداره عادلۀ وجوده کتیرمک، نه لره متوقف ایسه اولترک تحریر و تخریبیلۀ اشتغال اولنه حق یرده دینک دولتن تفریق و جماعت اسلامیۀ تشکیلاتی مسئله لرینی - بویله بلا لزوم - اورتابه آتق، حرب عمومییه قاربشمقدن ده مخاطرلی بر بولده یورومکده. مملکت مزده جماعت اسلامیۀ تشکیلاتندن اسلامیته جد آخیر و منفعت بکلین حسن نیت صاحب لری وارمه ده تشکیلات مذکورده بی دیانت

عليه‌ننده‌كي مقاصد مضمره‌نك حصوله وسيله اتخاذ ايدن و فقط صورت حقه‌ده
كورينانلرده بولمقدهدر . بز جماعت اسلاميه تشكيلاتنك قطعيأ عايه‌نده‌يز وعايه‌نده
اوله‌مز؛ اسلاميه مضر كورمه‌مزدن ايلري به‌كلبور . ا كر ملاحظاتمزده ياكليور
ايسه‌ك برنجي قسم اخوانمزنك بزي ايقاظ ايتلريني و بزم مطالعات سابقه و آنيه‌مزي
محق كوردكلري صورنده‌ايسه ، ايكنجى قسمك حصول مقصدينه‌ خادماولماق ايچون
او كي فكرلردن واز بكمالريني تسكليف ايديورز .

ايكنجى قسم همشيرلرمزنك مقصد و غايه‌لري ، شرع اسلامك سيامي ، اداري ،
حقوقى ، اقتصادي و اجتماعي احكامني ملغا قوانين زميره‌سنه الحاق ايتك اولديني ايچون
بو مقصدلرينك حصوله‌خلال ويره‌ميه‌چكي آشكاربولنان جماعت تشكيلاتى آلفيشلايه-
چقلىر طبعييدر . فقط بزم كبي شرع اسلامك كافه احكامني الى بوم القيام مرعى
و معمول بها كورمك ايسته‌ين اخوانمزنك دولتي دينك رياستندن آيره‌رق يرينه
بي فائده بر جماعت كتيرمك فكريني قبول ايتلريني حوصاله‌مزه بر درلو
صيغديره‌ميورز .

ديني دولندن تفريقك نه ديمك اولديني ايكنجى نسسخه‌مзде ايضاح ايتمش
ايدك . شكل معروض اوزره دين دولندن تفريق ايدلكدن صوكره جماعت
اسلاميه‌نك وظيفه‌مى عجبانه اوله‌چقدر ؟ ا كر جوامع و تشكلاي شريفه‌ عايد
امور خيريه ايله اشتغال ايدمچكسه بونلر دينك بر شعبة فرعيه‌سيدير . وا كر
احكام عموميه اسلاميه‌نك تطبيق و اجرايله علاقه‌دار بولنه‌چق ايسه بونك ايچون بر
قوة تأييديه و اجراييه عرض احتياج ايدر كه بوده اولسه اولسه حكومت
اوله‌بيلور ، حكومت ايسه او يو كي اولجه اوزرندن آتمش بولنه‌جني جهته‌ل تكرار
عهده‌سنه آلايه‌چقدر كه بو صورنده جماعت اسلاميه‌نك ديانت نامنه بر خدمت
وقيقي قالمايه‌چقدر . كوريلبور كه جماعت اسلاميه ، سماي دياننده موهوم بر عنقادن
يشقه برشي دكلدر . اساساً دولتمز بر دولت اسلاميه اولدقجه و رياستنده صفت
دينيه‌ني حائر امام‌المساين افنديمز حضرنلري بولندقجه و قانون اساسيمزده بونلري
مؤيد موادي احتوا ايتدكجه نه دين دولندن تفريق اولانه‌بيلور ، نه‌ده بو بوشاني
طلولديرمق ايچون جماعت تشكيلاتنه لزوم قالور .

اوت ؛ بشقه دینه منسوب ملتیری تمثیل ایدن بر دولتشک زیر اداره لرنده کی مسلمانلرک برر جماعت اسلامیة تشکیل ایلیری لازمدر . عبادات و مناکحانه طلاقه ، نفقهیه ، میراثه دائر معاملات شرعیه ایله مساجده ، تسکاییه ، سداس و مکاتبه عائد امور خیریه نیک حسن اداره و ادامه سی ایچون چالایشه حق بر مقام و مرجع بولمقی ایجاب ایدر که بوده آنجق جماعت اسلامیة اوله بیور . احکام اسلامیة بولردن عبارت دکلسمده دین اسلام ایله متدین اولمایان بر دولت اجنبیه دن احکام سائرہ اسلامیة نیک تطبیق و اجرایی طلب اولنه ماز .

مقام معالی خلافتک جناح دیاتی آئینده بولمقی بختیارلقنه مظهر اولان مسلمانلرک حال و موقعلرینی ، برچارک ویا قرالک ویا خود جمهور رئیسک زیر اداره سنه کچمک بدبختلقنه معروض قالان مسلمانلرک حال و موقعلرینه بکترتمک ناصل طوغرو اوله بیلور که مملکتتمزده جماعت اسلامیة تشکیلتنه لزوم حس ایدلم . داخلده کی خریستان عنصرلرک جماعت تشکیلاتی بزه بر نمونه امتثال اوله رق کوسترمک ؛ آرده کی فرقی دوشونماکدن و یا خود دوشونمک ایستسمه ممکن متولد بر غلط حیدر . اولرک حال و موقعلری بزه دکل ، خارجدکی مسلمانلرک حال و موقعلرینه مشاهد . عینیدر دیعبورم ، چونکه اولنر ، بوملکتده صوک درجه امتیازات دینییه نائل بولندقلری حالده خارجدکی مسلمانلر ، مع الاسف هر درلو حقوقدن محرومدلر . شو حالده داخلده کی وطنداشاریمزک جماعت تشکیل ایلیری ناصل برحق ایسه خارجدکی بیچاره دینداشاریمزک اوله بر واسطه یه مراجعتلری ده عین درجه ده ، بلکه ده قوتلی برحق اولمق لازم کلیر .

جماعت تشکیلتنه دائر بزه مثال کوسترمک ایستیملرک ، باشلرینی برآز یوقاری قالدیره رق بشقه دینه منسوب ملتیری تمثیل ایدن دولتلره طوغرو تمیدید نظر ایتمارینی موافق مصلحت بولیوروز . مثلاً ، انکلترده انگلیز ماتنک ، فرانسه ده فرانسز قومک ، بلغارستانده بلغار هرقتک دینی جماعتلر تشکیل ایتش بولندقلرینه دائر مثال کوستره بیلورلرسمه اوزمان ، برآز دوشونمک لزومی حس ایدرز . فقط بز ، اوله ظن ایلیوروز که بویله بر مثال ارائه سنه موفق اوله میسه جقلر در . چونکه بر دین رسمی به تابع بولنمایان فرانسه دولتی ده برابر اولدینی حالده بستون

دولتله؛ استناد استدکاری ملتلك دینلرینی حمایه ایتمکده بولندقلری جهتله اولر ،
جماعت تشکیلاتندن وارسته درلر .

اوهت ؛ اولرلکه ده جماعتلری ، جمعیتلری واردر . فقط مقصدوغایه لری بزده
تشکیلی توصیه ایديلان جماعتك مقصد وغایه سنه هیچ ده بکزه من .
ایشته بز ، سابق و لاحق ، ملاحظه سائمنك سوقیله نه دینك دولتدن تفریقنی ،
نده جماعت تشکیلاتنی قبول ایده میسورز . دین دولته برابر طوطیلق شرطیله
ودولتی احکام شرعیه به رعایت استدرمك مقصدیله بر جماعت اسلامیة تشکیلی ایدرسه
یونی وار قوتمزله آلقیشلارین . اساساً بتون مسلمة نلر ، برجماعت وامام المسلمین
حضرتلری بوجاعتك رئیس دینی ودنیویسی در . الویریرکه شو صیره ده رئیس ایله
جماعت یکدیگرینه ده زباده مربوط بولنسونلر .

احمد شیرانی



عصر نبویده دین ودنیا اموری فصل جریان ایدردی ؟

دین ودنیا ایشلرینك تفریق وحکومتك یالکیز امور دنیویه وه صالح سیاسیة
ایله اشتغالی دولتك سلامت وار تقاضیه مدار اوله جینی بعض عقلامنجه تحیل
ایدیلمور . وبو تحیلات ؛ خصوصی محاسندن اوراق حواشه کیچریلیور .
طبیعیدرکه امور دینییه ودنیویه نك تفریقنه جواز شرعی اوله میه جغنه دائر ایرادی
اقتضا ایدن نقلی وعقلی دلائل ، علمای کرام طرفندن سویلنیلرک ضلال فکرییه
دوشن بعض ذهنلرک بطلان ذهانی اثبات اولنور .
عبد عاجزده یو مسئله ده تنویر افکاره خدمت ایدهرز فکریله عصر نبویده
دین ودنیا ایشلرینه دائر بر قاج سوز سویلیه حکم .

معاومدرکه : خرسیتانلقده ایکی مرجع اداره واردر . بولنردن بری ؛ قاتولیک
مذهبنه کوره پایالق ، اورتودوقسلغه کورده بطریقلك ، دیکری ایسه ایمراطورلق ،
قراللق ، جمهور رئیسلیکی کبی حکمدارلق مقامیدر .